



Broj: 43 0 Su 270169 26 Su 7
Zenica, 11.05.2025. godine

Na osnovu člana 64. stav 1. tačka b) i člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14, 47/14, 59/22), a u skladu sa Zapisnikom o ocjeni ponuda broj: 43 0 Su 270169 26 Su 7 od 28.04.2026. godine, u otvorenom postupku javne nabavke robe - Štampani materijal, predsjednica Općinskog suda u Zenici, donosi

ODLUKU o izboru najpovoljnijeg ponuđača

Član 1.

Za najpovoljnijeg ponuđača u otvorenom postupku javne nabavke roba-štampani materijal, po provedenom otvorenom postupku javne nabavke, izabran je ponuđač „Svjetlost-BH print“ d.o.o. Sarajevo, sa ukupnom cijenom u iznosu od 28.800,00 KM bez PDV-a, odnosno u iznosu od 33.696,00 KM sa PDV-om.

Član 2.

U skladu sa članom 45. stav 2. Zakona o javnim nabavkama BiH, izabrani ponuđač je dužan u roku od sedam dana od dana prijema ove Odluke dostaviti dokaze iz tačke 3.1.2. TD otvorenog postupka.

Član 3.

U skladu sa članom 98. stav 5. Zakona o javnim nabavkama BiH, Ugovorni organ će zaključiti ugovor u roku od deset dana od dana obavještenja učesnika postupka o izboru najpovoljnijeg ponuđača.

Član 4.

Za izvršenje ove Odluke zadužuje se Odsjek za opće i računovodstvene poslove.

Član 5.

Ova Odluka stupa na snagu danom donošenja.

Član 6.

Ova Odluka objavit će se na web stranici www.opsud-zenica.pravosudje.ba.

Obrazloženje

Postupak javne nabavke robe za potrebe Općinskog suda u Zenici pokrenut je Odlukom o pokretanju broj: 43 0 Su 270169 26 Su 7 dana 25.03.2026. godine .

Procijenjena vrijednost javne nabavke je iznosila 55.000,00 KM bez PDV-a.

Obavještenje o nabavci broj: 484-1-1-29-3-101/26 objavljeno je na Portalu javnih nabavki Bosne i Hercegovine dana 07.04.2026. godine.

Komisija za provođenje postupka javne nabavke, imenovana Rješenjem broj:43 0 Su 270169 26 Su od 16.02.2026. godine, sačinila je Zapisnik o ocjeni ponuda broj: 43 0 Su 270169 26 Su 7 od 28.04.2026. godine.

U postupku donošenja Odluke o izboru najpovoljnijeg ponuđača utvrđeno je da je Komisija za provođenje postupka javne nabavke blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3,
- da je blagovremeno zaprimljeno 3 ponude,
- da nije bilo neblagovremenih ponuda,
- da dvije (2) ponude ponuđača Elkom d.o.o. Vitez i Svjetlost-BH print d.o.o. Sarajevo ispunjavaju uslove tražene i definisane tenderskom dokumentacijom otvorenog postupka, a da se ponuda ponuđača Štamparija Fojnica d.d. Fojnica odbacuje kao nepravilna, jer ne ispunjava uslove tražene i definisane tenderskom dokumentacijom otvorenog postupka,
- da je provedena računska provjera ponuda,
- da je zakazana i provedena e-aukcija, te da je najprihvatljivija ponuda ponuđača Svjetlost-BH print d.o.o. Sarajevo sa ukupnom cijenom u iznosu od 28.800,00 KM, bez PDV-a.

U postupku donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu prispjelih ponuda shodno kriterijima iz tenderske dokumentacije.

U postupku ocjene provedenog postupka nisu nađeni razlozi za nepravilnosti i propuste u radu koji bi bili osnov za neprihvatanje prijedloga Komisije za provođenje postupka javne nabavke. Izbor najpovoljnijeg ponuđača izvršen je u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, neosporno je da je ponuda ponuđača Svjetlost-BH print d.o.o. Sarajevo sa ukupnom cijenom u iznosu od 28.800,00 KM bez PDV-a, odnosno u iznosu od 33.696,00 KM sa PDV-om najprihvatljivija.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi, putem ugovornog organa, u roku od 10 dana od dana prijema ove Odluke.

Dostavljeno:
1x Učesnici u postupku javne nabavke
1x a/a


PREDSJEDNICA SUDA

Alma Spahić